



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

Speciano, Cesare

Brixiae, 1603

Constitvtio De Abbatissis, Et Aliis Monasteriorum Monialium Præfectis, non vltra triennium per vniuersam Italiam in futurum eligendis.

urn:nbn:de:hbz:466:1-10553

contra naturam, propter quod ira Dei venit in filios diffidentia, perpetrauerit, Cu-
riæ seculari puniēdus tradatur. Et si clericus fuerit, omnibus ordinibus degradatus
simili pena subiiciatnr, Monemus præterea omnes locorum ordinarios, & in virtu-
te S. obedientia eis præcipimus, vt statuta Tridentini Concilij contra Concubina-
rios tam Clericos, quam laicos edita, districte faciant obseruari, reddituri Deo, ac
nobis, si id omiserint, rationem. Et vt præmislorum delictorum Simoniae blasphe-
miae, ac stupri nefandi notitia facilius habeatur. Volumus, quod in singulis casibus,
non solum per accusationem, & inquisitionem, sed etiam ad simplicem, & secretam
denunciacionem procedatur per quoscumque iudices, alias tamen de iure compe-
tentes, tam ratione delecti, quam personarum, ita quod inter eos locus sit præuen-
tioni. Monemus præterea omnes, & singulos, vt solum Dei timorem præ oculis ha-
bentes, & non alia animi praua affectione ducti, culpabiles tantum deferant, inno-
centes non vexent. Quod si aliqui ex calunnia aliquos denunciasse comperti fue-
rint, eos ad pœnam Talionis teneri volumus, & mādamus: Multæ autem pecuniariae
applicabuntur pro duabus partibus locis piis arbitrio nostro in Urbe, extra verò,
Ordinariorum, pro tertia accusatori, qui delinquentes detulerit. Mandamus autem
Principibus, Comitibus, & Baronibus omnibus S.R.E. Feudatariis, sub pœna priu-
tionis feudorum, que ab ipsa Ecclesia Rom. obtinent, reliquos verò Principes Chri-
stianos, & terrarum Dominos hortamur in domino, & in virtute S. obedient. man-
damus, vt pro diuini nominis reverentia, & honore præmissa omnia in suis domi-
niis, ac terris exactissimè seruari faciant: vberrimam ab ipso Deo mercedem tam
boni operis recepturi. Non obstantibus quibusvis Constitutionibus, & ordinatio-
nibus Apostolicis ac exemptionibus, priuilegiis, indultis, facultatibus, & literis
Apost. quibusvis Capitulis, conuentibus, Militiis, ordinibus, & personis cuiuscunq;
qualitatis, & conditionis existentibus, sub quibusunque tenoribus, & formis, ac cū
quibusvis etiam derogatoriarum derogatoriis aliisque efficacioribus, & insolitis
clausulis, necnon irritantibus, & aliis decretis in genere, vel in specie etiam Motu
proprio alias quomodolibet concessis, approbatis, & innouatis, quibus illorum te-
nores præsentibus pro expressis habentes, specialiter, & expressè derogamus, cäte-
risque contrariis quibusunque. Volumus autem, quod præsentium transumptis
etia impressis, manu alicuius Notarii publici subscriptis, & sigillo alicuius Pralati.
munitis, eadem prorsus fides vbiique adhibeatur, que eisdem præsentibus adhibere-
tur, si forent exhibita, vel ostensæ. Nulli ergo omnino hominum licet hanc pagi-
nam nostræ innovationis, relaxationis, admonitionis, confirmationis, mandati sta-
tuti, decreti, ordinationis, præcepti, monitionis, voluntatis, & derogationis infrin-
gere, vel ei ausu temerario contrahire. Siquis autem hoc attentare præsumperit,
indignationem omnipotentis Dei, ac beatorum Petri, & Pauli Apol. eius se nouerit
incursum Dat. Romæ apud S. Petrum, anno Incarnat. Dominicæ 1566. Kal. April.
Pontificatus nostri anno primo.

Antonius Florebellus Lauellinus.
H. Cumyn.

CONSTITUTIO DE ABBATISSIS, ET ALIIS MONASTE-
riorum Monialium Præfectis, non ultra triennium per vniuersam
Italiæ in futurum eligendis.

Gregorius Papa XIII. Ad perpetuam rei memoriam.

Exposcit debitum pastoralis officii, quod disponente Domino gerimus, vt ad
ea sollicitè intendamus, per quæ Monasteria, & alia religiosa loca, præser-
tim Deo dicatarum Sanctimonialium, secundum regularis disciplinæ normam
regantur, & gubernentur, Perpendentes igitur varia, & multiplicita damna, quibus



plerumque afficiuntur Monasteria Monialium, quæ per Abbatissas, vel alias prefectas
 perpetuas reguntur, è contra verò Abbatissas, & alias prefectas triennales scientes
 se lapsò triennio suæ administrationis rationem esse reddituras, ac sperantes de be-
 ne gestis laudem promerer, pènam verò, si male gesserint, metuentes, maiori studio,
 ac diligentia regimen, & administrationem Monasteriorum sibi commissorū gerere.
 His & aliis rationabilibus causis adducti, hac nostra perpetuò valitura constitutio-
 ne statuimus, & ordinamus, quod de cætero perpetuis futuris temporibus in omni-
 bus, & singulis Monasteriis Monialium S. Benedicti, Cistercien, Carthusien, & aliorū
 quorumcunque ordinū in vniuersitate Italia, & præferrim in utriusque Sicilię Regnis
 consistentibus, quæ nunc per Abbatissas, vel alias Praefectas perpetuas reguntur, &
 gubernantur, cum primū Abbatissę, aut alię perfectę huiusmodi regimini, & admi-
 nistrationi ipsorum Monasteriorum cesserint, etiam apud Sedem Apostolica, vel de-
 cesserint, eorum Abbatissatus, seu prefecturas vacare contigerit, Abbatissę, aut alię
 prefectę non amplius perpetuę, seu ad vitam (quarum nomen, ac titulum, ex nunc
 prout ex tunc Apostolica auctoritate ex certa nostra scientia, de quæ Apostolice po-
 testatis plenitudine tenore præ sentiū perpetuò extinguimus, & abolemus) sed trien-
 nales tantum à Conventu vniuersitatisque Monasterii, & alias iuxta decreta Sacri Cōc.
 Trid. & regularia suorum ordinum instituta elegantur, & præficiantur, quæ postmo-
 dum elapsò triennio, suis officiis perfundę, præesse desinant, omnique prorsus careat
 auctoritate, ac à regimine, & administratione Monasterii per trienniū à die finitæ ad-
 ministrationis inchoandum abstineat, quo elapsò seruata eadem forma Conc. Trid.
 iterum, & pluries eligi possint. Districtus inhabentes omnibus, & singulis dictorum
 Monasteriorum Conuentibus Superioribus, & personis, ne aliquam Abbatissam, aut
 aliam prefectam perpetuam, seu ad vitam, sed triennalem tatum eligere, & præficere
 villo modo audeant, vel præsumant. Quod si secus à quoquam quavis auctoritate fue-
 rit attentatum, Electionem, & Præfectionem huiusmodi, ac omnia, & singula, quæ in-
 de sequentur, irrita, nulla, & inania, nulliusque roboris, vel momenti fore: Sicq; per
 quo scilicet Iudices ordinarios, & delegatos quavis auctoritate fungentes, etiā cau-
 sarum Palatii Apostolici Auditores, ac S.R.E. Cardinales, sublata eis, & eorum cui-
 libet quavis aliter iudicādi, & interpretandi facultate, & auctoritate, in quavis cau-
 sa, & instantia iudicari, & diffiniri debere decernimus. Non obstantibus constitutio-
 nibus, & ordinationibus Apostolicis, ac dictorum Monasteriorum, & ordinum iura-
 mento, confirmatione Apostolica, vel quavis firmitate alia roboratis statutis, & cō-
 suetudinibus, priuilegiis quoque, indultis, & literis Apostolicis eisdem Monasteriis
 eorumque Superioribus, & personis sub quibuscunque tenoribus, & formis, ac cum
 quibusvis clausulis, & decretis in genere, vel in specie, ac alias in contrarium quo-
 modolibet concessis, confirmatis, & innouatis, Quibus omnibus, & singulis eoru-
 nores, ac si ad verbum infererentur presentibus, pro sufficienter expressis habentes,
 illis alias in suo labore permansuris, hac vice duntaxat specialiter, & expresse dero-
 gamus, cæterisque contrariis quibuscunque. Ceterum quia difficile foret presentes
 nostras ad singula quæque loca, ubi necessarium fuerit deserre, volumus, quod illa-
 rum transumptis manu alicuius Notarii publici subscriptis, & sigillo alicuius per-
 sonæ indignitate Ecclesiastica constituta munitis, eadem prorsus fides in iudicio, &
 extra adhibeat, quæ presentibus adhiberetur, si forent exhibite, vel ostensæ. Dat.
 Romæ apud Sanctum Petrum sub annulo Piscatoris, die prima Ianu. M.D.LXXIII.
 Pontificatus Nostri Anno Undecimo.

Cæ. Glotierius.

Anno à Nativitate Domini millesimo quingentesimo octuagesimo tertio, iudicio
 vndeclima, die vero quarta Mensis Ianuarii Pontificatus Sanctissimi Domini No-
 stri Domini Gregorii diuina prouidentia Papæ Decimiertii Anno vndeclimo, re-
 troscriptæ literæ affixaæ, & publicataæ fuerunt in acie campi Floræ, dimissa coru-
 copia

copia auctiuitata, & collationata cum dictis literis in valuis eiusdem acie affixa
per me Iohannem Freile, cursus S.D.N.Papa.

Pettus Delbequez Magister Curs.

S. D. N. D. GREGORII PAPAE XIII. CONSTITUTIO, DE
eleemosynis Monialibus præstandis.

Gregorius Episcopus seruus seruorum Dei. Ad perpetuam rei
memoriam.

DEO sacris Virginibus, quæ contemptis illecebris saeculi, diuinis se obse-
quiis manciparunt, æquissimum est præcipua quadam à nobis ac singulari
solicitudine prouiderit, tum vt ab eis omnia, quæ sanctum ipsarum propo-
situm impeditrem posse remoueantur, tum etiam vt eis in cultu Dei castè ac reli-
giosè permanentibus, quæ ad victum necessaria sunt, subministrentur. Et quidem
post sacri Concilii Tridentini decretum, quod constitutio fœl. rec. Bonifacii Papæ
VIII. prædecessoris nostri, quæ incipit, Periculoso, renouatur, prohibens ne aut ip-
fis monialibus ex monasteriis suis egredi, aut vlli cuiuscumque sexus, aut ordinis
personæ ad eas ingredi liceat. Et præterea vniuersis Episcopis præcipitur, vt in om-
nibus monasteriis sibi subiectis, in aliis verò sedis Apostolicæ auctoritate clausu-
ram sanctimonialium, vbi violata, diligenter restituï, vbi verò inuolata, conseruari
maximè procurent. Piæ memorie Pius Papa V. etiam prædecessor noster victui
quoque, & necessitatibus ipsarum prospicere cupiens, cum superiora illa approbas-
set, atque innouasset, eademque omnia etiam in monialibus quarumcunque. Mili-
tiarum etiam Hierosolymitanæ, omnibusque aliis tacite, vel expressè religionem
professis, quounque nomine censeruntur, locum habere decreuisset: nè illæ quic-
quam detrimenti in necessitatibus suis hac occasione paterentur, etiam præcepit
locorum ordinariis, & superioribus earum, vt fidelium eleemosynas per conuersas
non professas, vel professas quidem, sed ætatis saltem quadraginta annorum, & iam
pridem conuersas, quæ in domibus contiguis, extra tamen monasterium degerent,
colligendas curarent; ita tamen, vt prædictæ Conuersæ neque clausuram aliarum
monialium, nisi in casibus permisis, ingredierentur, nec ex illis ipsis habitationibus
suis ad tales eleemosynas colligendas, sine permisso ordinariorum, aut superiorum
suorum exire possent. Quod si ne hoc quidem sufficere videretur, idem Pius præ-
decessor mandauit ipsis ordinariis, & superioribus, vt negotium darent aliquibus
personis piis tales eleemosynas colligendi, aliaque arbitratu suo prospicerent, quæ
ad subleuandam monialium inopiam expedire iudicarent. Cum autem, sicut acce-
pimus, multæ moniales, etiam quæ Tertiariæ vocantur, sub solenni religionis voto,
perpetuaque clausura degentes, aliaque talibus literis comprehensæ, & in ipsa clau-
sura permanentes multis præterea ad se sustentandas necessariis egeant, neque vi-
que ad hoc tempus vlo sufficiens remedio earum necessitatibus subuenientum sit;
quin etiam alia Tertiariæ citra vllum solenne hucusque votum viuant, quæ ad suas
suorumve domus neutiquam reddituræ esse, sed sub solenni religionis voto, &
clausura prædictis permanent, si earum congrua sustentationi prouideretur. Nos
qui illas necessariis rebus distitui nolumus, certioresque facti sumus in multis ciui-
tatibus, oppidis, villis, aut aliis locis tam in Ecclesiis, & Monasteriis, quam Hospita-
libus, Collegiis, Confraternitatibus, & aliis locis piis, etiam quæ à priuatis homini-
bus, tum Ecclesiasticis, tum Laicis multas ac diuersas eleemosynas Christi pauperi-
bus erogari, Considerantes in huiusmodi personas, vel in primis exercendam esse
charitatem, quæ voluntaria paupertate suscepta ab omni hominum commercio se-
gregata, Deo seruient, & assiduis precibus iram ipsius, ob peccata conceptam, a
Christiano populo deprecantur. Illud quoque cogitantes, si eis ad tales eleemosy-